



## 1A SESSIONE ORDINARIA PÈ U 2017

RIUNIONE DI I 27 È 28 APRILE

N° 2017/O1/019

### **QUISTION ORALE SPOSTA DA Mma FAGNI Muriel A nome di u Gruppù « FEMU A CORSICA »**

#### **OBJET : A spiccatura sculare**

L'obbiettivu di a nostra pulitica è u vostru penseru, Madama a cunsigliera in carica di a cultura è di l'educazione, hè di mette in ballu è di cunduce una pulitica regiunale pè a nostra giuventù.

Oghjeghjornu, l'inserzione di i giovani nantu à u mercatu di u travagliu ferma peoccupente assai, è una riflessione di fondu nantu à u mondu di u travagliu hè da pruietà. In issa prospettiva, un gruppù di travagliu hè statu messu in piazza. S'attaccherà, in un primu tempu, à studià l'impattu di u rivenutu universale in senu à a nostra cullettività.

Oghje in senu à u CREFOP, avete messu in opera seminarii dedicati à l'elaborazione di u cuntrattu di pianu regiunale di sviluppu di a furmazione è di l'orientazione professionale, duv'ella hè integrata a prublematica di a spiccatura ; quessa, da definisce un inseme di dispusitivi è e prospettive di furmazione.

Parechje piste sò oghje cunnosciute, cum'è a settimana di a perseveranza messa in piazza da u 6 di ferraghju à u 10 di ferraghju, da mette in lume azzione in u duminiu di a prevenzione di a spiccatura sculare.

I giovani sò spessu in a precarietà è senza qualifica, per via ch'elli sò esciuti prestu da u sistemu educativu. In stu modu, si crea un fenomenu di ricorrenza di e situazione di disimpiegu cun risichi sociali impurtenti.

L'implicazione di ogni ripresentante di u mondu professionale è di i centri di furmazione, hè dinù impurtente, per prupone una suluzione à ogni giovanu in situazione di spiccatura.

A lotta contru à a spiccatura sculare custituisce un inghjocu maiò pè a cusionazione sociale è l'equità di u sistemu educativu.

Ci cuncerna à tutti.

Una pista puderia dinù esse studiata pè issi giovani, in modu di furmazione. Cusì, di a listessa manera ch'è no puderiamu dà ghjorni di riposu à cullegghi di travagliu in difficoltà, ùn puderiamu imaginà di trasferì e nostre ore di furmazione micca aduprate à sti giovani in difficoltà, da ch'elli possinu benefizià d'una furmazione adatta ?

St'idea seria di sicuru difficiule à mette in piazza di modu tecnicu. Si duveria mudificà a lege. Ma seria una bona di riflette insieme, pè fà evuluà stu dispositivu d'ore di furmazione micca aduprate.

Madama a Cunsigliera, pè a nostra giuventù, ci puderiete dì, s'elle anu da esse messe in piazza rete chì permetterianu di garantisce una cuerenza è un lighjibilità più bone, è dinù, a cuordinazione di l'inseme di e suluzione cun l'Educazione Naziunale ?